



KOMUNIKADO PA PRENSA

Fecha

8 di Mart 2017

Kolaboradó di Maneho

Corinne Leysner

Email

corinne.leysner@gobiernu.cw

Obra Públiko ta hasi posibel pa por transportá mulinanan pa Tera Kòrá

Willemstad - Minister Suzy Camelia-Römer ta anunsiá ku Obra Públiko ta hasi posibel for di djasabra dia 11 di mart próksimo, pa por transportá 5 mulina i turbina pa mulina di bientu pa Tera Kòrá. Ta trata di 15 blat di mulina ku, huntu ku e turbinanan i e otro piesanan, mester forma 5 mulina di bientu ku un haltura di 150 meter, na e parke di mulina na Tera Kòrá. E mulinanan ta bai para na e di 3 parke di mulina di Kòrsou.

E diferente piesanan di mulina a yega Kòrsou huntu ku trùknan spesial di transportashon. Nan ta stashoná riba e tereno kaminda ántes ta tin Amstel brouwerij, wardando e transporte pa bai Tera Kòrá, kaminda ta bai arma nan. Ta trata di mulinanan mas grandi ku esnan ku ya kaba nos konosé na Kòrsou. Un solo blat di un mulina ta kasi 60 meter largu.

Pa motibu ku e mulinanan ta asina grandi, tin mester di trùknan di transporte spesial i un ruta spesial ku ta hasié posibel pa move sin dañá e infrastruktura. Obra Públiko a hasi tur trámite nesario pa hasi e transporte posibel, na un manera ku tráfiko ta haña ménos problema posibel, huntu ku polis i e kompania NuCapital ku ta traha ku e mulinanan. Ta transportá nan durante oranan pafó di oranan pik di tráfiko pa asina evitá molèster.

E transporte di e partinan di e mulinanan ta tuma lugá durante di un periodo di 3 siman. Ora e mulinanan ta instalá, nan por produsí koriente pa un kuart di e kasnan di Kòrsou. E trabou di konstrukshon ta planiá pa kaba pa fin di aprel di e aña akí. Ku e ekstra mulinanan aki, Kòrsou ta bira un lugá mas tremendo pa biba i mas mihó pa bishitá.